

MEMORIA DO EXERCICIO 2014 **PRIMEIRA PARTE**

1.- INTRODUCCIÓN.

De conformidade co establecido no Plan Xeral de Contabilidade Pública Local, a Memoria completa e amplía a información contida no Balance, a Conta do Resultado Económico-Patrimonial e o Estado de Liquidación do Presuposto.

A Memoria consta de 22 apartados axustándose aos modelos que se establecen na Cuarta Parte del Plan General de Contabilidad Pública adaptado á Administración Local anexo á Instrución.

Da páxina "web" municipal e dos datos oficiais e publicacións do INE e do propio Concello de Santiago de Compostela pódese obter a información que se integra na presente Memoria.

De conformidade co previsto no artigo 209 do TRLRHL e a Regra 97 da Instrución Modelo Normal de Contabilidade Local, a Conta Xeral da Entidade, estará integrada pola Conta da propia Entidade, a Conta dos Organismos Autónomos e as Contas das Sociedades Mercantís de Capital integramente propiedade da Entidade Local. Cada un dos suxeitos contables a que se refire o apartado anterior, deberá elaborar as súas propias contas anuais. Os suxeitos contables que van integrar a Conta Xeral da Entidade Local son os seguintes:

- Concello de Santiago de Compostela
- Organismo Autónomo de carácter administrativo: Auditorio de Galicia.
- Sociedades mercantís de capital integramente municipal:
 - Transportes Urbanos de Santiago, S.A. (TUSSA)
 - Información e Comunicación Local, S.A. (INCOLSA)

Ademais como documentación complementaria, achégase á Conta Xeral a que enumera a Regra 101 da Instrución Normal de Contabilidade Local:

- Os documentos a que se refire ao Regra 98.3, isto é, Actas de Arqueo das existencias en Caixa co fin de exercicio e certificacións de cada entidade bancaria dos saldos existentes nestas da entidade local ou do organismo autónomo, referidos co fin de exercicio e agrupados por nome ou razón social da entidade bancaria.
- Contas anuais da sociedade "Mercados centrais de abastecemento de Santiago, Mercagalicia S.A. " en cuxo capital participa de forma maioritaria o Concello de Santiago de Compostela.



CONCELLO DE SANTIAGO

- Contas anuais da "Fundación Refuxio de Animais"

A regra 101 da ICAL non inclúe entre a documentación complementaria a de as fundacións. A inclusión por vez primeira das contas desta entidade, na Conta Xeral do Concello ven motivada en primeiro lugar pola súa consideración coma ente que forma parte do Sector Público Local do Concello de Santiago de Compostela. En efecto, o artigo 2.1e) do *Real Decreto 1463/2007 de 2 de novembro, polo que se aproba o regulamento de desenvolvemento da Lei 18/2001, de 12 de novembro de Estabilidade Presupostaria, na súa aplicación ás entidades locais* establece: "1. Se consideran integrantes do Inventario de Entes do Sector Público Local: e) as institucións sen ánimo de lucro que estean controladas ou financiadas maioritariamente por algún ou varios dos suxeitos enumerados neste artigo". O propio Ministerio de Hacienda y Administraciones Públicas, ten incluído á Fundación Refuxio de Animais coma ente pertencente ó Sector Público Local do Concello de Santiago, o cal obriga a que a Intervención do Concello de Santiago remita telemáticamente dende o ano 2013 as contas desta entidade, se ben isto non implica que para estes anos estas contas foran obxecto dun control financeiro coma tal.

Durante o ano 2014 e 2015 estiveronse a realizar actuacións comprobatorias formais destas contas e incluso se lles ten solicitado á reformulación das contas do ano 2013 e do ano 2014 aos efectos de incluír as instalacións cedidas polo Concello, tal como se fai constar no informe da Intervención número 2015/4 de 12 de xaneiro 2015. As contas que se engaden do ano 2014 están sendo obxecto de revisión, tal como consta no informe 525/2015 de 17 de xullo desta Intervención, e se ten detectado que a fundación presenta resultados negativos no resultado de explotación durante dous exercicios consecutivos.

Atendendo o apartado dous da Disposición adicional novena da *Lei 27/2013, de 27 de decembro de Racionalización e Sostenibilidade Local*, e no marco do análise que esta intervención realiza na actualidade , (informe nº 525/2015) se está a analizar as implicacións que se derivan do feito de que esta fundación presente resultados de explotación negativos durante os dous últimos anos .

En canto á natureza e réxime desta fundación, indicar que esta fundación de interese público creouse por acordo plenario do Concello de Santiago o 29 de outubro de 2005 e actualmente se rixe polos seus estatutos aprobados o 30 de xuño de 2005 e modificados o 30 de marzo de 2006. De acordo co artigo 1 e 9 ter dos mesmos, o seu ámbito territorial é o municipio de Santiago de Compostela, sen prexuízo de que estenda as súas actuacións aos concellos limítrofes que o soliciten, previo acordo dos seus plenos e establecendo as aportacións aos gastos de funcionamento. Na actualidade, e tal como consta na Memoria de Actividades da conta 2014, funciona



CONCELLO DE SANTIAGO

coma centro de acollida dos municipios de Santiago, Vedra e Teo, se ben durante algúns anos a fundación tamén estendía a súa actividade ata os concellos de Ames, Brión e Boqueixón.

- Memoria xustificativa do custo e rendemento dos servizos públicos. Non se presenta memoria demostrativa do grao en que se cumprisen os obxectivos programados con indicación dos previstos e alcanzados co custo destes, porque esta corporación non ten aprobados obxectivos nin indicadores de cumprimento que permitan analizar os programas realizados e o seu custe. A memoria xustificativa do custe dos servizos públicos elaborouse este ano tomando coma referencia a Orde HAP/2075/2014 de 6 de novembro pola que se establecen os criterios de cálculo de custe efectivo dos servizos prestados polas entidades locais e a Resolución de 23 de xuño de 2015 da Secretaría General de Coordinación Autonómica y Local pola que se especifican los elementos incluídos en los anexos da Orde, dado que esta corporación non leva unha contabilidade analítica de custes.

2.- INFORMACIÓN DE TIPO XERAL

Santiago de Compostela é unha cidade media no contexto do sistema urbano de Galicia, situado no corredor urbano que conforma a autoestrada do Atlántico, entre as provincias de A Coruña e Pontevedra, no noroeste de España e o seu termo municipal ten unha extensión de 220 km². A súa imaxe urbana está estreitamente vinculada ao seu Patrimonio Histórico, sendo a cidade cultural por excelencia, o seu centro histórico, o camiño de Santiago e o culto relixioso profesado ao apóstolo.

Aséntase sobre o monte Pedroso e o monte Viso, circundada polos ríos Sar e Sarela.

É ademais a capital da Comunidade Autónoma de Galicia, situada a 65 quilómetros ao sur de A Coruña a cuxa provincia pertence e a 62 quilómetros ao norte de Pontevedra. Inclúe os antigos municipios de Conxo (incorporado en 1925) e Enfesta (incorporado en 1962).

Nela ten a súa sede o goberno autónomo galego, a Xunta de Galicia, e o Parlamento, é igualmente sede da arquidiocese, de distrito universitario e do partido xudicial homónimos, ademais de constituír un dos principais centros culturais do país. Como capital de Galicia goza do estatuto xurídico especial regulado na Lei 4/2002 do 25 de xuño do estatuto da capitalidade.

A cidade antiga é Patrimonio da Humanidade pola UNESCO dende o ano 1985. A cidade histórica de Compostela, patrimonio da Humanidade, está integrada por un conxunto de elementos que, con diverso valor de protección deben ser conservados en total son 1.813 edificios que representan o 68% dos existentes na Cidade Histórica. Os



CONCELLO DE SANTIAGO

esforzos municipais pola conservación e mantemento do patrimonio cultural foron recompensados pola obtención de diversos premios internacionais.

2.1.- DEMOGRAFIA.

A evolución demográfica da poboación de dereito do municipio de Santiago de Compostela recóllese no cadro que se insire a continuación (INE).


AÑOS	1991	2001	2004	2008	2011	2012	2013	2014
POBLACIÓN DE DEREITO	87.807	90.188	92.298	95.092	95.207	95.671	96.041	95.800

Santiago contou no ano ao que se refire a Conta Xeral que se formula cunha poboación de dereito de 95.800 habitantes, o que supuxo unha diminución do 0,25% con respecto á do ano 2013, a maioría concentrada no núcleo urbano, do total de poboación, 44.486 (46,43%) eran varóns e 51.314 (53,53%) mulleres, segundo os datos do Instituto Nacional de Estatística (INE).

2.2.- ORGANIZACIÓN TERRITORIAL.

O municipio de Santiago comprende as seguintes parroquias:

- Aríns (San Martín)
- Bando (Santa Eulalia)
- Barciela (San Andrés)
- Busto (San Pedro)
- Carballar (San Xulián)
- O Castiñeiriño (Nosa Sra. de Fátima)
- Cesar (Santa María)
- Conxo (Santa María)
- Eixo (San Cristóbo)
- Enfesta (San Cristóbo)
- Fecha (San Xuan)
- Fecha (Santa Cristina)
- Figueiras (Santa María)
- Grixoa (Santa María)
- Laraño (San Martín)
- Marantes (San Vicente)
- Marrozos (Santa María)
- Nemenzo (Santa Cristina)
- Sabugueira (San Paio)



CONCELLO DE SANTIAGO

- Santiago (Divino Salvador de Vidán)
- Santiago (San Caetano)
- Santiago (San Fructuoso de Afora)
- Santiago (San Lázaro)
- Santiago (San Xuan de Afora)
- Santiago (San Lázaro)
- Santiago (Santa María da Pelegrina)
- Verdía (Santa Mariña)
- Villestro (Santa María).

2.3.- ORGANIZACIÓN MUNICIPAL.

Os alcaldes do Concello de Santiago de Compostela tras as eleccións democráticas de 1979, foron os seguintes:

MANDATO	NOME DO ALCALDE	PARTIDO POLÍTICO
1979-1983	José Antonio Souto Paz (hasta 1981)/ Marcial Castro Guerra	UCD / UCD
1983-1987	Xerardo Estévez Fernández (hasta 1986)/ Ernesto Viétez Cortizo	PSdeG-PSOE / AP
1987-1991	Xerardo Estévez Fernández	PSG-PSOE
1991-1995	Xerardo Estévez Fernández	PSG-PSOE
1995-1999	Xerardo Estévez Fernández (hasta 1998) / Xosé Antonio Sanchez Bugallo	PSG-PSOE
1999-2003	Xosé Antonio Sánchez Bugallo	PSG-PSOE
2003-2007	Xosé Antonio Sánchez Bugallo	PSG-PSOE
2007-2011	Xosé Antonio Sánchez Bugallo	PSG-PSOE
2011-	Gerardo Conde Roa (ata 2012) / Ángel Currás Fernández (ata 2014)/ Agustín Hernández Fernández de Rojas	PPdeG

A corporación municipal estivo integrada por 25 concelleiros que lle corresponden por poboación, distribuídos en 13 concelleiros do grupo do Partido Popular, 9 do grupo de PS de GR-PSOE e 3 do grupo do BNG, sendo o Partido Popular o equipo que goberna en maioría absoluta. O Alcalde pertence á lista do Partido Popular.

O Concello réxese na súa estrutura organizativa polo disposto na LBRL, pola Lei 4/2002 do estatuto da capitalidade e polo seu regulamento de organización interno axeitado ao seu réxime ao establecido xuridicamente para os municipios de gran poboación na súa condición de capital de Galicia.

Os órganos superiores confórmanos o Alcalde e os membros da Xunta de Goberno Local.

Durante o ano 2014 asumiu o cargo o alcalde D. Ángel Currás Fernández o cal dimitiu o día 9 de xuño de 2014, tomando finalmente posesión do cargo D. Agustín Hernández Fernández de Rojas, o día 9 de xullo do 2104.

A Xunta de Goberno está composta por nove membros, todos eles pertencentes ao Partido Popular e presídea o Alcalde. Están nomeadas dúas Tenzas de Alcaldía.

A estrutura organizativa do goberno municipal compúxose no 2014 das seguintes concellarías delegadas:

- Area de Servizos Sociais.
- Economía.
- Cultura e Patrimonio
- Facenda.
- Desenvolvemento Urbano e Sostible.
- Réxime Interior e Administración Pública.
- Seguridade e Mobilidade
- Medio rural e Relacións Veciñais
- Barrios, servizo de recollida de lixo e limpeza viaria, Brigada de vías e obras.
- Servizos de obras e proxectos
- Relacións Institucionais
- Xuventude e Deportes.

Durante o ano 2014 as Comisións informativas dependentes do Pleno da Corporación constituídas foron as cinco seguintes:

- Comisión de Presidencia, Réxime Interior, Facenda e especial de Contas
- Comisión de Urbanismo, Infraestrutura, Vivenda e Medio Ambiente.
- Comisión da Área Social, Cultura e Servizos.
- Comisión especial de suxestións e reclamacións.
- Comisión de dirección do Plan estratéxico.

Ademais tamén hai unha serie de consellos asesores: do caso histórico, de condecoracións, etc.

A Alcaldía non fixo uso da facultade que lle atribúe o artigo 126.2 da Lei 7/85, do 2 de abril, Reguladora da Facendas Locais e non nomeou membros da Xunta de Goberno Local que non tivesen a condición de Concelleiros.



CONCELLO DE SANTIAGO

A Lei 11/1999, do 21 de abril, de modificación da Lei 7/1985, do 2 de abril, Reguladora das Bases do Réxime Local, deu unha nova redacción ao artigo 73 deste último corpo legal, facultando ás Corporacións Locais para que puidesen asignar, con cargo ao seu Presuposto anual, unha dotación económica a favor dos diferentes grupos políticos e obrigando a estes a levar unha "contabilidade específica" da dotación económica asignada, que debe estar a disposición do Pleno da Corporación, se este órgano a solicitase.

O importe que corresponde a cada grupo municipal, vén establecido na Disposición Adicional Segunda das Bases de Execución do Orzamento, asignándose unha cantidade fixa mensual de 450,00 euros por grupo e 450,00 euros por cada concelleiro pertencente a estes. No ano 2014 a dotación asignada económica total asignada foi de 151.200,00 euros, consignada na aplicación orzamentaria 010.91200.48900, do Orzamento municipal.

En canto aos dereitos económicos dos membros da Corporación, dos membros do goberno, once tiveron dedicación exclusiva.

Os grupos da oposición no ano 2014 tiveron tres concelleiros con dedicación exclusiva sendo dous do PSdeG-PSOE e un do BNG.

O municipio de Santiago de Compostela atópase dentro do ámbito de aplicación do Título X da LRBRL, pola súa condición de capital de Comunidade Autónoma de Galicia (artigo 121.1.c) LRBRL), pertencendo polo tanto ao grupo da denominada "Lei de Grandes Cidades", con que se designou popularmente á Lei 53/2003, do 16 de decembro, de medidas para a modernización do goberno local.

Das distintas normas orgánicas necesarias para a adaptación da organización ao previsto no Título X da LRBRL, se encontraban aprobadas no ano 2014, os seguintes:

1.- Regulamento Orgánico do Pleno. Por acordo deste en sesión do 27 de decembro do 2007 e publicado no Boletín Oficial da Provincia da Coruña do 31 de xaneiro do 2008.

2.- Regulamento Orgánico de Goberno e Administración do Concello de Santiago de Compostela, aprobado por acordo do Pleno da Corporación en sesión celebrada o día 21 de decembro do 2011 e publicado no BOP da Coruña do 6 de marzo de 2012. No ámbito deste Regulamento que ten como, entre outras, como finalidade a determinación dos niveis esenciais da organización se nomearon para o exercicio 2014 un total de 4 direccións de áreas, totalizando cinco o número de órganos directivos do Concello, se ben non se procedeu a outras adaptacións e desenvolvementos organizativos ordenados pola Lei 53/2003 de modificación da Lei Reguladora das Bases de Réxime Local, como é o caso da organización económico-financeira municipal.

En canto aos cambios organizativos que se produciron durante o ano 2014, a Xunta de Goberno Local aprobou en sesión do 26 de decembro de 2013 e corrección de erros do 30 de decembro, modificar a Relación de Postos de Traballo (BOP número 4 do 8 de xaneiro de 2014) aínda que estes cambios afectaron cualitativamente ós departamentos de Relacións Veciñais e Centros Socioculturais, Secretaría Xeral, Informática, Innovación, Medio Ambiente, Economía e Finanzas, no senso de reclasificar postos de traballo e crear xefaturas de servizos, adxuntías á xefaturas de servizos e xefaturas de sección.

A plantilla media do Concello para o ano 2014, desglosada por colectivos e meses foi a seguinte:


CATEGORIA	XAN.	FEBR.	MARZ.	ABR.	MAIO	XUÑO	XULLO	AGOSTO	SETEM.	OUTUB.	NOVEM.	DECEM.
LABORAIS	169	169	170	165	156	157	159	161	161	181	181	181
FUNC. INTEGRADOS	214	214	214	214	214	213	212	212	209	208	208	208
FUNC. NOVO INGRESO	153	153	152	152	152	153	151	151	152	153	152	152
BOMBEIROS INTEGRADOS	25	25	25	25	25	25	25	25	25	25	25	25
BOMBEIROS NOVO INGRESO	32	32	32	32	32	32	32	32	32	32	32	32
FUNC. INTERINOS	29	26	31	35	42	41	40	40	40	38	40	35
EVENTUAIS EXFOGA/EXDES	2	2	2	2	2	2	8	7	7	7	7	7
CONCELL. EXENTOS EXFOGASA	13	13	13	13	13	12	8	8	8	8	8	8
FORMACIÓN	24	24	24	23	0	0	0	23	23	23	23	22
TOTAL	661	658	663	661	636	635	635	659	657	675	676	670

Polo tanto, a media de traballadores durante o ano 2014 ascendeu a 657 persoas. Si se engaden aos 25 concelleiros, a media sería de 682 persoas.

En canto aos organismos e entes dependentes, o Concello de Santiago de Compostela, conta cun Organismo Autónomo local de carácter administrativo con personalidade xurídica e patrimonio propio dende o ano 1991: o Auditorio de Galicia, que ten por obxecto a elaboración, deseño e execución dos programas e actividades culturais.

O Concello participa como socio único en dúas sociedades anónimas:

- TUSSA (Sociedade Municipal de Xestión do Transporte Urbano), constituída en 1999 co obxectivo de unificar as competencias en materia de transporte na cidade de Santiago de Compostela.
- INCOLSA (Información e Comunicación Local) e a empresa municipal creada en 1999 polo Concello de Santiago para atender as necesidades de promoción da cidade especialmente no sector turístico.



CONCELLO DE SANTIAGO

Durante o ano 2012, entrou en proceso de liquidación e disolución a Empresa municipal de Vivenda e Chan (EMUVISSA) de capital integramente municipal, constituída no ano 2000, co obxecto de dotar Santiago de Compostela dun ente instrumental para a xestión do solo e vivenda.

A cesión do activo e pasivo da empresa escriturouse e quedou rexistrada no Rexistro Mercantil con data de 31 de decembro de 2012. O persoal da empresa quedou de facto absorbido e prestando servizos para o Concello, sendo incluídos na aprobación definitiva do cadro de persoal anexo ao orzamento de 2014 publicado o día 27 de xuño de 2013 (BOP número 121).

O Concello participa nas seguintes sociedades mixtas:

- Mercagalicia (Mercados Centrais de Abastecemento de Santiago): compañía mercantil, participada polo Concello, creada para mellorar en todas as ordes os ciclos de comercialización de produtos alimenticios a promoción, construción e explotación de mercados por xunto en Santiago e dos servizos complementarios que sexan precisos para a súa utilización e a comodidade dos usuarios.
- Xestión de actividade deportiva e espectáculos SL": sociedade mercantil participada polo Concello de Santiago de Compostela e ST Recreo, ocio e espectáculos SL, creada para o desenvolvemento de cantas actividades sexan precisas para a explotación de instalacións deportivas.
- Cursos Internacionais da Universidade de Santiago de Compostela. Unha sociedade mercantil que ten por obxecto servir como apoio instrumental á Universidade de Santiago de Compostela para impartir idiomas, organizar exames para a obtención de títulos oficiais de español; organizar a edición de materiais destinados ao ensino do español para estranxeiros; organizar cursos especializados e monográficos, viaxes, excursións e actividades culturais relacionados con calquera actividade. Participan na sociedade a Universidade de Santiago de Compostela, o Concello de Santiago de Compostela, Turgalicia e a Asociación de Hostalaría e Asociación de Comerciantes (ACOTES).
- Sociedade para a promoción de iniciativas empresariais innovadoras". Sociedade mercantil que ten como finalidade potenciar o desenvolvemento de iniciativas empresariais partindo da investigación e do desenvolvemento tecnolóxico da Universidade de Santiago de Compostela, para contribuír á consolidación na nosa cidade dun tecido produtivo e de servizos avanzados con matiz innovador. Participan na sociedade a Universidade de Santiago de Compostela e o Concello de Santiago de Compostela.

O Concello forma parte das seguintes entidades:



CONCELLO DE SANTIAGO

- Consorcio da Cidade de Santiago: entidade de dereito público de carácter interadministrativo, constituída en 1992 polas Administracións do Estado, Comunidade Autónoma de Galicia e o municipio de Santiago de Compostela. Entre os seus fins destacan os de servir de apoio e de xestión ao Real Padroado da Cidade; asegurar o mantemento e a axeitada xestión das instalacións, equipamentos e servizos dotados como consecuencia de actuacións acordadas polo mesmo Real Padroado; e promover o exercicio coordinado das competencias da Administración do Estado, da Comunidade Autónoma e do municipio.
- Mancomunidade da Bisbarra de Santiago de Compostela creada en 2001 e integrada polos municipios de Ames, Boqueixón, Brión, Santiago de Compostela, Teo, Val do Dubra e Vedra, que traballa para a consecución de servizos comúns para os habitantes da bisbarra.
- Consorcio Galego de servizos de Igualdade e Benestar e o Consorcio do camiño francés.

O Concello forma parte dos seguintes Padroados e Fundacións, además da Fundación Refuxio de Animais:

- Fundación Torrente Ballester.
- Fundación Eugenio Granell
- Fundación para o deporte.
- Fundación Down Compostela.
- Fundación Compostela deporte.
- Fondo Galego de Cooperación e solidariedade.
- Fundación para o desenvolvemento da bisbarra de Santiago.
- Museo do Pobo Galego.
- Eixo Atlántico do noroeste peninsular.

2.4.- FONTES DE FINANCIAMENTO DO ESTADO DE INGRESOS DA ENTIDADE LOCAL.

En canto aos recursos que conforman o estado de ingresos do Presuposto, a entidade nítrese basicamente dos seus impostos e taxas, así como da cesión de rendementos recadatorios de impostos estatais e participación no fondo complementario de financiamento. O total dos dereitos recoñecidos netos por operacións no ano 2014 ascendeu a 89.464.860,25 euros.

Cesión de tributos, Transferencias e subvencións correntes doutras Administracións.

Os rendementos de impostos estatais e o fondo complementario alcanzaron un importe neto de 22.672.005,37euros, aos que hai que engadir, a compensacións polas



CONCELLO DE SANTIAGO

liquidacións negativas dos anos 2008 e 2009 por unha contía de 828.684,15 euros, sendo o total de 23.500.689,52 euros, que representa un 26,27% dos dereitos liquidados por operacións correntes no 2014. Esta cifra inclúe a liquidación definitiva pola participación nos ingresos do Estado correspondente ao ano 2012 que neste ascendeu a un importe neto de 875.506,73 euros, debendo reintegrar ao Estado un total de 108.389,31 euros, sendo a favor do Concello 989.896,04 euros.

A subvención ao transporte urbano cifrou a contía de 399.454,43 euros (0,446% dos ingresos correntes) un 16,09% superior á subvención do ano pasado polo mesmo concepto.

As transferencias da Comunidade Autónoma por participación nos ingresos desta foi de 3.539.671,58 euros, así como para o financiamento do Plan Concertado, o programa de drogodependencia, programa de inclusión, etc. alcanzou a contía de 1.482.343,24 euros, representando o 1,657% dos dereitos liquidados por operacións correntes. As subvencións a programas de emprego alcanzaron a contía de 564.971,08 euros, o que representa un 0,632% dos ingresos correntes liquidados no ano 2014 e as destinadas a escolas infantís e comedores escolares ascenderon a 117.957,11 euros o que supón un 0,132% dos ingresos correntes. En canto á asignación económica derivada do Convenio de colaboración entre a Xunta de Galicia por medio da Consellería de Facenda, e o Concello de Santiago de Compostela para sufragar os gastos derivados da súa condición de capital da Comunidade Autónoma de Galicia subscrito no marco da Lei 4/2002, do 25 de xuño, do Estatuto da Capitalidade da cidade de Santiago de Compostela, ascendeu no ano 2014 a 2.297.550,00 euros, representando un 2,568% do ingreso corrente total liquidado.

As transferencias da Deputación ascenderon a 292.386,70 euros, que representaron un 0,327% no ano 2014. Tamén se referiron outras transferencias doutras entidades como o Consorcio da Cidade de Santiago para os lumes das festas do Apóstolo, por 220.000,00€. Figura tamén un ingreso de 693.062,98 euros do Auditorio que se corresponde coa financiación dun expediente de modificación de crédito en aplicación do artigo 32 da LOEPSF.

As transferencias procedentes de fondo europeos alcanzaron a cifra de 357.783,39 euros, o que representou o 0,40% dos dereitos liquidados por operacións correntes.

Ingresos tributarios, prezos públicos e outros ingresos de xestión corrente:

Os ingresos tributarios e prezos públicos (Capítulos I, II e III), deducidos os que corresponden á cesión de tributos do Estado (3.910.776,10 euros), ascenderon 55.597.941,09 euros, o que representa un 62,14% dos ingresos correntes liquidados no 2014.

Dentro deste grupo de recursos, o Imposto sobre Bens Inmóveis é o máis importante, cifrando os dereitos recoñecidos netos a contía de 29.981.802,79 euros, o que representa unha diminución do 1,16% con respecto ó ano anterior e un 33,51% sobre o total dos ingresos correntes.

Polo Imposto sobre Actividades económicas liquidáronse dereitos por unha contía lixeiramente superior á do ano pasado; 2.775.992,22 euros, cun peso de 3,1% sobre o total de dereitos recoñecidos netos da agrupación de ingresos correntes.

As liquidacións correspondentes ao Imposto sobre Vehículos de Tracción Mecánica alcanzaron a cifra tamén lixeiramente inferior á do ano 2013 de 5.059.653,72 euros, e unha representación no conxunto de dereitos liquidados correntes de 5,66%.

No capítulo II, gañan peso as liquidacións polo Imposto sobre Construcións, Instalacións e Obras que se incrementan a 1.577.763,32 euros, e representan un 1,76% dos dereitos recoñecidos netos por operacións correntes do total do estado de ingresos do presuposto liquidado en 2014.

No capítulo III recoñecéronse dereitos por importe de 14.256.253,83€, o que representa o 15,90% do total dos ingresos correntes. Dentro deles, podemos citar como os de maior relevancia os de recollida de lixo con 6.296.503,18 euros, as taxas pola ocupación do dominio público que en conxunto (artigo 33) ascenden a 1.078.683,24€, as licenzas urbanísticas que alcanzaron unha cifra en termos de liquidación de 2.477.376,87 euros e as sancións polas que se impuxeron multas por importe de 1.912.705,17 euros, todo en termos de dereitos recoñecidos netos.

Ingresos patrimoniais.

Liquidáronse por un contía de 532.390,97 euros, o que representa o 0,60% sobre os dereitos liquidados por operacións correntes, o que se descompón en xuros por depósitos e colocación de excedentes de tesourería 181.422,90€ e 347.383,19€.

Ingresos de capital non financeiros.

No ano 2014 unicamente se liquidaron ingresos no capítulo 6 pola expropiación de tres pequenas parcelas por valor de 7.225,70 euros, e se recoñeceron no VII por importe de 2.961.836,12 euros, o que representa o 3,17% dos dereitos recoñecidos totais. A estrutura destes dereitos liquidados foi a seguinte:

- Subvención do Estado convenio Rehabilitación: 682.983,66 euros
- Subvención do Estado, Parque Angrois: 39.367,51€
- Subvención da CCAA para remodelación praza de abastos; 343.413,08€
- Subvención do Instituto Galego de Vivenda e Solo, convenio Rehabilitación: 156.727,11€



CONCELLO DE SANTIAGO

- Subvención da Deputación POS: 617.738,13
- Subvencións varias da Deputación: 373.277,75
- Convenios Consorcio da Cidade de Santiago: 11.092,22 euros
- Subvencións da Unión Europea: 778.297,46€.

Ingresos de capital de natureza financeira.

Durante o ano 2014 os ingresos de natureza financeira que se teñen liquidados se corresponden cos reintegros dos anticipos de persoal por importe de 72.680,39€ e o importe de 969.697,13 euros que se dispuso do préstamo contratado por 6.000.000€ no ano 2014 para financiar inversións coa entidade La Caixa (2014-1-LACAIX01).